



PAMFLET

177





in Duplo.

**Warhafftige newe Zei-
tung / Von der gewaltigen Schlacht
die vor Grinnigen gehalten ist worden / zwischen Graff Lud-
wigen von Nassaw / vnd dem Graffen von Arenberg
Mit seinen Spanniern / geschehen
den 23. May / Anno 1568.**



Gedruckt zu Campen



177
21

Bezeichnet die


Wohnung des

Wohnung des

Wohnung des

Wohnung des

Wohnung des



Bezeichnet die



Die Schlacht vor Gruningen geschehen.

Er lassen wissen das Graff Ludwigen von Nassaw / erstlich durch einen Hausman ist angezeigt worden / darzu noch zwey Hausleude / welche alle drey vber ein gleiche rede bezugten / Wie das der Graff von Arenberg mit den Spanniern auff Zwo Meilen / nahe bey seinem leger waren / vnnnd wie das sie sehr tapffer anzoogen / Also das Graff Ludwig wenig zeit hat sein volck in Schlacht ordnung zusehen / Aber durch Gottes hilff hat er mit seinem möglichen fleiß vnnnd mit guter ordnung darzu gethan / das er Victoriam erlange / vnd behalten hatt.

Erstlich die zusammen kunfft / als die Hauffen auffeinander gestossen haben / ist gar strenglich vnnnd hezig gewesen. Der Graff von Arenberg hat dreizehen Stück gros Geschüs gehabt / die er gemeint hat in Graff Ludwigs volck zu schiessen / wie er auch thete / aber er schloß zu kurz bey Sehen oder Zwölffschritte / Also das des Graffen Ludwigs volck kein schaden vberkame / sonder auß drucklich Drey inenmer / Dar nach seindt sie dapfferlich ann einander gefallen vnnnd geschlagen.

Graff

Graff Ludwig von Nassaw/ hat vnder seinem Regiment vier
hundert welschen hacken schützen / Ihr obersten hießen Hau-
tan/ Lürca/ vnd Berchen/ vnnnd verordneten/ das die hack-
en schützen bey Zehen oder Zwölffschrit von der Schlacht or-
denung ab solten ziehen / da haben sich die Teutschen knechte
nicht geseümet/ auch dapfferlich mit ihren spiessen gewerdt.

Der Graff von Arenbergk/ hat bey sich Zehen sendlen
Spaniern vnnnd Fünff sendlen Teutscher / vnnnd auch eitelche
ander Nation/ die alle in der Schlacht bliben seindt/ vnnnd die
sendle seindt dem Graffen Ludwigen zubracht worden.

Item der Graff Ludwig hat sich gar Ritterlich gehal-
ten / den er hat sich vnder das fußvolck gegeben / wiewol die
Landtsknecht solches gewerdt haben / Es sind kommen zwei
dapffer menner / von Spanniern/ die vermeinten den Graff
Ludwig vmb zubringen/ vnd haben Graff Ludwigen mit irem
gewer auff den Kopff geschlagen. Dieweil aber Graff Luda-
wig mit geschüs sich wol hat versehen/ hat er keinen schaden das
von bekommen/ sonder er Graff Ludwig hat die beyde vmbges-
bracht.

Der Graff von Arenbergk ist in der selbigen schlacht bli-
ben/ vnnnd das gulden Fluß so er am halß hat ist dem Prinzen
von Aranien seinem Bruder zugeschickt/ vñ man hat den Graf-
fen von Arenbergk in ein Kloster begraben / vnnnd er hat zwei
geweltige haw auff dem Kopff/ vnnnd einen Schuß in leib ges-
habt.

Item der gefangener seindt in alles Dreißig Spannis
er/

er/ettliche Obersten/vnd sonst Lancknechte/die sie den andern tag nach der Schlacht bekommen haben / der Graff Ludwig ist der meinung die Obersten gefenglich zu behalten / vnnnd die Lancknecht auff zu hengen.

Item sie haben für ein Bendt bekommen xiiij. Stück groß Geschütz / vnd vier hunder Wagen / mit allerley Munition vnnnd Prouiant/die sie vermeint haben in Grünningen zu bringen / Solches alles hat Graff Ludwig seinem Kriegsvolk gegeben / on das Geschütz vnd Munition darmit sie gar reich worden sindt / vnd nun wol versorgt mit allerley Kriegsrüstung die feinde vnder augen an zu sehen / Also das sich das Kriegsvolk dem Graffen Eytt erbotten hat vmb nichts / vnd auff ihrer eigenen Kosten ein ganges Jar zu dienen.

Es hat der Graff Ludwig vngefehrlich bey Vierzig Mann verloren / Teutsche Knechte / vnnnd sonderlich kein welschen / doch bey drey hundert verwunde.

Item der Graff von Arenberg hat auß der Statt Grünigen vber die helffte von den Knechten mitgenommen / damit die Statt gar schwach ist worden / darmit Graff Ludwig die Statt zu seinem willen möge bekommen.

Item die reutter von Graff Adolffen von Nassaw / vnd Jost Schawenlerch haben sich hinder gesetzt in ein Buschen darmit das die Spanger nicht fliehen oder hinder sich lauffen künnten / wie sie wol vermeint haben / doch seindt ihr wenig vmb kommen.

Item es seindt Zehen oder Zwölff Pferde auff Graff Ludwig

A in wigen

wegen seitten gebliben int streide. Item der Graff von Meegen
hat sich vernemen lassen / mit fünffhundert Pferden vnd et-
lichen füss Knechten wolte denn andern tag widerumb in sie
setzen / vnd sein leid rechnen. Doch hat er nicht angefangen.
Dan der Graff Ludwig war mit seinem Kriegs volck wolge-
rüst vnd gemut / sie solten sich herfür machen / vnd sie wolten
mit Gottes gnade auch gleicher weis mit ihnen handeln / wie
sie mit dem Graffen von Arenbergk vor hin gethan haben /
Als nun der Graff von Meegen diß vernommen hat / ist er mit
fleis zu rücke gezogen / Graff Ludwig mit seinen Kriegsleuten
haben Gott dem Herren Lob / Preis vnd ehr gegeben / in lobge-
sang vnd geberden für die groß victoria.

Item es ist kein Adel oder Oberster auff Graff Ludwigs
seitten bliben / dan allein Graff Adolff von Nassaw / der sich so
weit gegeben hat vnder die feinde / das er wardt zu tod geschos-
sen / darzu auch ein edelman der ein fenderich geweest ist / Graff
Adolff ist vnder sein harnisch geschossen worden / vñ ist begrabe
mit dem Graffen von Arenbergk / in ein grab /

Graff Adolff ligt bey dem Graffen
von Arenbergk / als ein
vberwinder.

§ J N E.







